



Broj: 01-124/22
Vareš, 30.05.2022. godine

Z A P I S N I K
sa 15. sjednice Općinskog vijeća Vareš,
održane 26.04. 2022. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 15. sjednicu s početkom u 14.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa, gosp. Ibrahim Spahić, rukovodilac JURA – gosp. Rusmir Berberović, sanitarna inspektorica – gosp. Velida Džafo, direktor JKP d.o.o. Vareš – gosp. Zafer Kamenjaš, direktor JP „Vareš-
stan“ d.o.o. Vareš – gosp. Ivan Miletović, predstavnik firme Eastern Mining – gosp. Aldin Džinić, ispred OSCE - gosp. Daut Bajramović i predstavnici medija.

Sekretar OV Leon Pavlović izvijestio je Vijeće da je na 14. sjednici OV održanoj 30.03.2022. godine. Doneseno je pet (5) Zaključaka, četiri (4) Zaključka su realizovana, jedan (1) Zaključak je u toku realizacije. Postavljeno je sedam (7) vijećničkih pitanja. Na sva pitanja je odgovoreno. Podnosiocima pitanja i svim ostalim vijećnicima dostavljeni su pisani odgovori na vijećnička pitanja.

Općinski načelnik Zdravko Marošević pod aktuelnim pitanjima upoznao je prisutne da delegacija ispred Općine Vareš (predsjedavajuća OV Mahira Brkić, vijećnik Šaban Ibrišimović i Općinski načelnik Zdravko Marošević), 28.04.2022. godine otputovati u Istanbul-općina Bašiskele na sastanak na kome će predstaviti našu općinu. Očekuje se da će predstavnici općine Bašiskele sa svojim poslovnim partnerima posjetiti i našu općinu radi saradnje i onoga što općina Vareš može ponuditi. Također je upoznao prisutne o sastanku „Otvorenih vrata“ Eastern Mininga na kome su bili prisutni predstavnici Evropske banke, Svjetske banke i drugi. Na sastanku je Evropska banka tražila sastanak sa Općinskim načelnikom koji je i održan. Ponudili su saradnju (u vezi projekta Eastern Mininga) koja se

odnosi na konsultantske usluge, pravne i sve druge savjete za kredite. Banka je upoznata sa prioritetnim ciljevima Općine Vareš (putna infrastruktura, energetska utopljanje, toplotna energija za zagrijavanje, komunalna infrastruktura i sl.), u vez s tim Općinski načelnik u svom obraćanju zatražio je potporu od Vijeća da može vršiti pregovore. Upoznao je Vijeće sa projektom utopljanja, u vezi istog javila se njemačka firma Bajsik Sarajevo sa Pismom namjere u vezi rješavanja problema grijanja građana općine Vareš (toplana). Općinski načelnik zatražio je od Vijeća da mu OV da saglasnost da može pozvati navedenu firmu da izvrši prezentaciju projekta.

(Izjašnjavanje vijećnika o dobivenom odgovoru)

Vijećnik Nurdin Begović iznio je mišljenje na odgovor u vezi naplate ulaza u Kraljevski grad Bobovac i zatražio od predsjedavajuće da se na današnjoj sjednici pod tačkom „Tekuća pitanja“ raspravlja o Programu upravljanja Srednjovjekovnim kraljevskim gradom Bobovac, koji je Vijeću dostavljen od Centra za kulturu i edukaciju Vareš.

(Vijećnička pitanja)

Salih Memić

1. Pitanje postavljam nadležnoj Općinskoj službi.
Nekoliko puta smo postavljali pitanja i inicijative za posticanje poljoprivrednika za sjetvu, ali u prethodnih mjesec dana na području MZ Dabravine imamo problem sa divljim svinjama koje prave veliku materijalnu štetu i poljoprivrednici nemaju rješenje niti smiju da obave sjetvu od ove štetočine. Kako da riješimo ovaj problem i da li poljoprivrednik ima pravo da traži odštetu?
Na navedeno pitanje tražim pismeni odgovor.
2. Pitanje postavljam nadležnoj Općinskoj službi.
Da li možete apelovati nadležnim institucijama da saniraju udarne rupe na regionalnom putu od ulaza u Dabravine do Vareša?
Na navedeno pitanje tražim pismeni odgovor.

Vijećnik Salih Memić podnio je pisanu **Inicijativu** za ugradnju odvodnih kanalisa na putu u podružnici Luke, MZ Dabravine.

Nedžad Mušanović

3. Pitanje se odnosi na sigurnost prometovanja lokalnim putevima. Naime, značajan dio putnih dionica na području općine Vareš primarno vezanih za ruralna područja, nema ni minimalnu fizičku zaštitu u vidu bankina koje su obavezne zakonskim propisima o cestama. Da li je u izradi ili je već izrađen elaborat o definisanju opasnih dionica u pomenutoj kategoriji puteva i da li postoji mogućnost da se rješava ovo pitanje obzirom da je ova tematika već potencirana?
4. Pitanje uputio Općinskom načelniku ili pomoćniku Općinskog načelnika gosp. Erminu Musi. Da li je bilo u posljednje vrijeme nekih kontakata i razmjene informacija sa nadležnim službama Ministarstva prometa i komunikacija Ze-Do kantona a vezano za novi kategorisani regionalni put na našoj općini R 444 –B Šimin Potok-Ravne-Crna Rijeka?

Mislim da će se tu trebati rješavati i neki imovinsko-pravni odnosi, i da li će se sve te procedure uspjeti završiti do nove zimske sezone da bi ta dionica išla na tender za zimsko održavanje što bi našem komunalnom preduzeću znatno olakšalo jer je to jedna od najtežih dionica za zimsko održavanje.

Zdenko Franjić

5. Kada će se realizirati projekat vodosnadbijevanja MZ Strica-Zaruđe. (dao je pojašnjenje)
6. Kada će se realizirati projekat ulične rasvjete u MZ Strica-Zaruđe?

Amela Brkić

7. Na kom je stepenu realizacija projekta dionice puta tzv. Ćamilov Potok?
Projekat je nekoliko puta započet i nikada nije dovršen. Stanovnicima ovog naselja kao i ukupnom stanovništvu koje gravitira iznad Osnovne škole bio bi od velike koristi.

Mirnes Ajanović

8. Kada možemo očekivati sanaciju-popravku spomenika NOR-a u Vareš Majdanu? (dao je pojašnjenje)
9. Da li postoji mogućnost postavljanja solarnih rasvjetnih tijela ili neki drugi način da se osvijetli pristup Bobovcu i svega onog važnoga, kao jedan od prvih realiziranih projekata Općine i JU Centar za kulturu i edukaciju na Bobovcu u okviru samog plana i programa ove ustanove?(dato je pojašnjenje)

Predsjedavajuća OV stavila je na raspravu Zapisnik sa 14. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 14. sjednice OV i nakon izjašnjavanja vijećnika konstatuje da je **jednoglasno sa 17 glasova „ZA“** (odsutni vijećnici Maja Berberović i Mario Mirčić) **usvojen Zapisnik sa 14. sjednice OV.**

Predsjedavajuća OV stavila je na raspravu prijedlog dnevnog reda za **15. sjednicu OV** koji je usaglašen na Kolegiju Općinskog vijeća.

Predsjedavajuća OV uz dato pojašnjenje predložila je da dosadašnja tačka 8. Prijedlog Rješenja o imenovanju dva člana i predsjednika Općinske izborne komisije Općine Vareš“ glasi „Prijedlog Rješenja o imenovanju: a) dva člana Općinske izborne komisije Općine Vareš i b) predsjednika Općinske izborne komisije Općine Vareš.“

Ispred predlagача Ermin Musa predložio je dopunu dnevnog reda sa tačkom 1. „Prijedlog Zaključka o davanju saglasnosti za proširenje koncesije na istraživanje i eksploataciju olova, cinka i barita sa pratećim plemenitim metalima na ležištima Borovica zapad, Rupice Istok, Tisovača, Droškovac, Veovača Istok i Bukovača, općina Vareš.“

Predsjedavajuća OV uz dato pojašnjenje predložila je da Prijedlog Zaključka bude tačka 9.

Nije više bilo prijedloga i predsjedavajuća OV stavila je na izjašnjavanje prijedlog dnevnog reda 15. sjednice OV sa izmjenama i dopunom i nakon izjašnjavanja vijećnika konstatuje da **je jednoglasno sa 19 glasova „ZA“ usvojen sljedeći**

Dnevni red

1. Informacija o epidemiološkom stanju i podacima pandemije COVID-19 na području općine Vareš.
Izvestilac: Sanitarni inspektor.
2. Izvještaj o radu Javnog komunalnog preduzeća d.o.o. Vareš za 2021. godinu.
Izvestilac: Direktor JKP d.o.o. Vareš.
3. Izvještaj o radu i finansijskom poslovanju JP „Vareš-stan“ d.o.o. Vareš za 2021. godinu.
Izvestilac: Direktor JP „Vareš-stan“ d.o.o. Vareš.
4. Prijedlog Odluke o pokretanju procesa revizije Strategije lokalnog razvoja općine Vareš za period 2017.-2026. godine.
Izvestilac: Rusmir Berberović.
5. Prijedlog Rješenja o utvrđivanju prava vlasništva u korist „Šummex“ d.o.o. Vareš, ul. Ljepovići br. 25 Vareš.
Izvestilac: Ermin Musa.
6. Prijedlog Rješenja o razrješenju predsjednika Upravnog odbora JU „Dom zdravlja“ Vareš.
Izvestilac: Sekretar OV.
7. Prijedlog Rješenja o razrješenju dva člana Općinske izborne komisije Vareš.
Izvestilac: Sekretar OV.
8. Prijedlog Rješenja o imenovanju
 - a) dva člana Općinske izborne komisije Općine Vareš,
 - b) predsjednika Općinske izborne komisije Općine VarešIzvestilac: Sekretar OV.
9. Prijedlog Zaključka o davanju saglasnosti za proširenje koncesije na istraživanje i eksploataciju olova, cinka i barita sa pratećim plemenitim metalima na ležištima Borovica zapad, Rupice Istok, Tisovača, Droškovac, Veovača Istok i Bukovača, općina Vareš.
Izvestilac: Ermin Musa.
10. Izvještaj o provođenju Odluke o komunalnom redu Općine Vareš u 2021. godini.
Izvestilac: Ermin Musa.
11. Informacija o realizovanim projektima deminiranja kao i preostaloj sumnjivoj površini na području općine Vareš za 2021. godinu
Izvestilac: Ibrahim Spahić.

12. Informacija o ostvarenim prihodima u 2021. godini po osnovu odluka Općinskog vijeća Vareš.
Izvestilac: Općinski načelnik.
13. Informacija o kreditnom zaduženju Općine Vareš i stanje otplate kredita sa 31.12.2021. godine.
Izvestilac: Općinski načelnik.
14. Informacija o dugovanju Općine prema pravnim i fizičkim licima, kao i pravnih i fizičkih lica prema Općini Vareš sa 31.12.2021. godine.
Izvestilac: Općinski načelnik.
15. Informacija o prihodovnim namjenskim sredstvima te realizaciji projekata za koje su namjenska sredstva uplaćena.
Izvestilac: Općinski načelnik.
16. Informacija o provođenju lokalnog akcionog/akcijskog plana za općinu Vareš u 2021. godini.
Izvestilac: Ermin Musa.
17. Tekuća pitanja.

Ad. 1.

(Informacija o epidemiološkom stanju i podacima pandemije COVID-19 na području općine Vareš.)

Sanitarna inspektorica gosp. Velida Džafo u svom obraćanju dala je dodatno pojašnjenje za ovu tačku dnevnog reda i izvijestila Vijeće o podacima pandemije Covid 19 na području općine Vareš.

Otvorena je rasprava u kojoj su učestvovali vijećnici: Emir Islamović i Asmir Čizmo (*pitanje- imate li podatke o nus efektima vakcina, koji je to broj pacijenta i ko snosi troškove liječenja osoba koje su imale nus pojave nakon vakcinacije*).

Gosp. Velida Džafo u vezi postavljenog pitanja vijećnika Asmira Čizme o troškovima liječenja osoba koje su imale nus pojave nakon vakcinacije izjavila je da tu informaciju može tražiti od JU Dom zdravlja Vareš.

Zaključena je rasprava i predsjedavajuća OV konstatuje uz Zaključak da **je Vijeće primilo k znanju**

Informaciju o epidemiološkom stanju i podacima pandemije COVID-19 na području općine Vareš.

Ad. 2.

(Izveštaj o radu Javnog komunalnog preduzeća d.o.o. Vareš za 2021. godinu.)

Otvorena je rasprava u kojoj su svoja mišljenja, sugestije i pitanja iznijeli vijećnici: Salih Memić (*apeluje da Općina Vareš blagovremeno izvrši finansijsku podršku kada je u pitanju zimsko održavanje*), Igor Hinger (*sugeriše da se poboljša higijena parkova, zelenih površina i*

ulica, problem oštećenih kontejnera i njihova lokacija, nabavka kontejnera za papir, upošljavanje osobe za održavanje gradske čistoće i sl.), Dario Dodik (traži pojašnjenje u vezi projekta poslovne zone Kram i sredstava koja su uplaćena za isti i pojašnjenje za vodovod Pogar - Sjenokos – Strica), Nedžad Mušanović (pitanje u vezi dužničko-potraživačkog odnosa između Općine Vareš i JKP Vareš i realizaciji planiranih a nerealizovanih projekata: odlagalište deponije Kota, nastavak izgradnje fekalne kanalizacije i završetak izgradnje vodovoda za Pogar), Nikola Šimić (uz dato pojašnjenje sugerisao je i postavio pitanje u vezi izgradnje „reciklažnog dvorišta“), Nurdin Begović (traži pojašnjenje u vezi navedenog zaključka u Izvještaju „da prihodi od komunalnih usluga stagniraju i imaju tendenciju smanjenja...“), Mahira Brkić, Amela Brkić (pitanje u vezi sanacije mosta na pijaci) i Općinski načelnik Zdravko Marošević (uz dato pojašnjenje podržao je Zaključke Skupštine JKP d.o.o. Vareš broj. 197-03/22 i 198-03/22 od 29.03.2022. godine).

Direktor JKP d.o.o. Vareš Zafer Kamenjaš u svom obraćanju upoznao je Vijeće o poslovanju preduzeća kao i o strateškim projektima. Dao je odgovore na postavljena pitanja vijećnika u raspravi.

Zaključena je rasprava i predsjedavajuća OV stavila je na izjašnjavanje Izvještaj o radu Javnog komunalnog preduzeća d.o.o. Vareš za 2021. godinu.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“) uz Zaključke Skupštine preduzeća prihvaćen**

Izvještaj o radu Javnog komunalnog preduzeća d.o.o. Vareš za 2021. godinu.

Ad.3.

*(Izvještaj o radu i finansijskom poslovanju
JP „Vareš-stan“ d.o.o. Vareš za 2021. godinu.)*

Otvorena je rasprava u kojoj su svoja mišljenja, primjedbe i pitanja iznijeli vijećnici: Nazif Hajrić (pitanje – koje konkretno usluge građani plaćaju preduzeću, sugerise da se ubuduće u Izvještaju navede u kojim objektima su radovi rađeni i koji su to radovi), Nurdin Begović (traži pojašnjenje u vezi stavke za plaću i doprinose), Mirnes Ajanović (sugerise na potrebu održavanja tematske sjednice ili sastanka u cilju rješavanja problematike preduzeća), Amela Brkić (pitanje-da li su hidranti ispravni u zgradama u kojima postoje), Mahira Brkić (potrebno je da Vijeće kroz određene radne sastanke sa menadžmentom preduzeća da svoj doprinosu cilju rješavanja problematike preduzeća) i Sahudina Beganović (uz dato pojašnjenje skrenula pažnju na dugovanja koja imaju pojedina lica a ponovo su potpisali ugovor u drugoj zgradi)

Direktor JP Vareš-stan d.o.o. Vareš Ivan Miletović u svom obraćanju upoznao je Vijeće sa problemima u radu i poslovanju preduzeća i odgovorio na pitanja postavljena u raspravi.

Općinski načelnik Zdravko Marošević u svom obraćanju iznio je mišljenje u vezi problematike preduzeća i eventualnog rješavanja istog. Podržava održavanje sjednice u vezi tematike preduzeća, ali da ta sjednica izrodi konkretnim prijedlozima i rješenjem. Mišljenja je da je potrebna detaljna analiza ekspertne kuće koja bi napravila neko rješenje, izlazne strategije i slično.

Zaključena je rasprava i predsjedavajuća OV stavila je na izjašnjavanje Izvještaj o radu i finansijskom poslovanju JP „Vareš-stan“ d.o.o. Vareš za 2021. godinu.

Nakon izjašnjavanja vijećnika predsjedavajuća OV konstatuje da sa **3 glasa „ZA“, 14 glasova „PROTIV“ i 2 „SUZDRŽANA“ glasa nije usvojen**

***Izvještaj o radu i finansijskom poslovanju
JP „Vareš-stan“ d.o.o. Vareš za 2021. godinu***

Predsjedavajuća OV stavila je na izjašnjavanje sljedeći

Zaključak:

Zadužuje se Kolegij OV da na svojoj sljedećoj sjednici zakaže tačan termin održavanja vanredne sjednice, gdje će biti definisano ko će od aktera biti pozvan na tu sjednicu, a tematika će isključivo biti Vareš-stan, ali bez prenosa u javnost.

Nakon izjašnjavanja vijećnika predsjedavajuća OV konstatuje da je **jednoglasno da 19 glasova „ZA“ usvojen predloženi Zaključak.**

Ad.4.

*(Prijedlog Odluke o pokretanju procesa revizije
Strategije lokalnog razvoja općine Vareš za period 2017.-2026. godine.)*

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o pokretanju procesa revizije Strategije lokalnog razvoja općine Vareš za period 2017.-2026. godine.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“) usvojena**

***Odluka o pokretanju procesa revizije
Strategije razvoja općine Vareš za period 2017.-2026. godine.***

Ad.5.

*(Prijedlog Rješenja o utvrđivanju prava vlasništva
u korist „Šummex“ d.o.o. Vareš, ul. Ljepovići br. 25 Vareš.)*

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o utvrđivanju prava vlasništva u korist „Šummex“ d.o.o. Vareš ul. Ljepovići br. 25 Vareš.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“) usvojeno**

***Rješenje o utvrđivanju prava vlasništva
u korist „Šummex“ d.o.o. Vareš, ul. Ljepovići br. 25 Vareš.***

Ad.6.

*(Prijedlog Rješenja o razrješenju predsjednika
Upravnog odbora JU „Dom zdravlja“ Vareš.)*

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o razrješenju predsjednika Upravnog odbora JU „Dom zdravlja“ Vareš.

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“) usvojeno**

***Rješenje o razrješenju predsjednika
Upravnog odbora JU „Dom zdravlja“ Vareš.***

Ad.7.

*(Prijedlog Rješenja o razrješenju dva
člana Općinske izborne komisije Vareš.)*

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o razrješenju dva člana Općinske izborne komisije Vareš.

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova) usvojeno**

Rješenje o razrješenju dva člana Općinske izborne komisije Vareš.

Ad.8.

*(Prijedlog Rješenja o imenovanju
a) dva člana Općinske izborne komisije Općine Vareš,
b) predsjednika Općinske izborne komisije Općine Vareš*

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o imenovanju dva člana Općinske izborne komisije Općine Vareš.

Nakon izjašnjavanja vijećnika predsjedavajuća OV konstatuje da **je jednoglasno (sa 18 glasova „ZA“) (odsutan vijećnik Salih Memić) usvojeno**

***Rješenje o imenovanju dva člana
Općinske izborne komisije Općine Vareš.***

Predsjedavajuća OV stavila je na izjašnjavanje Prijedlog Rješenja o imenovanju predsjednika Općinske izborne komisije Općine Vareš.

Nakon izjašnjavanja vijećnika predsjedavajuća OV konstatuje da **je jednoglasno (sa 18 glasova „ZA“)** (odsutan vijećnik Salih Memić) **usvojeno**

***Rješenje o imenovanju predsjednika
Općinske izborne komisije Općine Vareš.***

Predsjedavajuća OV podsjetila je Vijeće da se Rješenja dostavljaju CIK-i na davanje saglasnosti.

Ad.9.

(Prijedlog Zaključka o davanju saglasnosti za proširenje koncesije na istraživanje i eksploataciju olova, cinka i barita sa pratećim plemenitim metalima na ležištima Borovica zapad, Rupice Istok, Tisovača, Droškovac, Veovača Istok i Bukovača, općina Vareš.)

Ermin Musa ispred predlagača dao je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Zaključka o davanju saglasnosti za proširenje koncesije na istraživanje i eksploataciju olova, cinka i barita sa pratećim plemenitim metalima na ležištima Borovica zapad, Rupice Istok, Tisovača, Droškovac, Veovača Istok i Bukovača, općina Vareš.

Nakon izjašnjavanja vijećnika predsjedavajuća OV konstatuje da je **sa 18 glasova „ZA“ i 1 „SUZDRŽANIM“ glasom usvojen**

Zaključak o davanju saglasnosti za proširenje koncesije na istraživanje i eksploataciju olova, cinka i barita sa pratećim plemenitim metalima na ležištima Borovica zapad, Rupice Istok, Tisovača, Droškovac, Veovača Istok i Bukovača, općina Vareš.

Ad.10.

(Izveštaj o provođenju Odluke o komunalnom redu Općine Vareš u 2021. godini.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (postavio pitanja: na koji se način planira unaprijediti rad mjesnih zajednica u smislu kvalitetnije saradnje sa Općinom, šta se planira uraditi u 2022. godini, dokle se došlo sa informacijama o divljim deponijama i sl.), Amela Brkić (postavila pitanje koliko je eko policajac podnio prijava, koliko je uočeno divljih deponija), Malik Rizvanović (sugeriše nadležnim službama na blagovremenom potpisivanju ugovora o ljetnom održavanju, planiranju dodatnih sredstava u budžetu, uređenju zelenih površina i sl.) i Maja Berberović (sugeriše da se u tekućoj godini zaključi ugovor sa JKP za izvođenje radova i osiguraju sredstva koja su planirana u budžetu (ispravnost i uređenje sportskih i dječijih igrališta).

Pomoćnik načelnika Ermin Musa u svom obraćanju dao je odgovore na postavljena pitanja vijećnika u raspravi.

Zaključena je rasprava i predsjedavajuća OV stavila je na izjašnjavanje Izvještaj o provođenju Odluke o komunalnom redu Općine Vareš u 2021. godini.

Nakon izjašnjavanja vijećnika predsjedavajuća OV konstatuje da **je jednoglasno (sa 17 glasova „ZA“)** (odsutni vijećnici Mirnes Ajanović i Amela Brkić) **usvojen**

***Izvještaj o provođenju Odluke o
komunalnom redu Općine Vareš u 2021. godini.***

Ad.11.

*(Informacija o realizovanim projektima deminiranja kao i
preostaloj sumnjivoj površini na području općine Vareš za 2021. godinu)*

Ispred predlagача Ibrahim Spahić dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Nedžad Mušanović (*da nadležni prate da li postoje znakovi upozorenja (trake i table) na sumnjivim površinama*), Igor Hinger (*postavio pitanje u vezi oznaka kod „Alijinog Korita da se tu nalaze minska polja*) i Ibrahim Spahić koji je dao odgovore na postavljena pitanja.

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

***Informaciju o realizovanim projektima deminiranja kao i
preostaloj sumnjivoj površini na području općine Vareš za 2021. godinu.***

Ad.12.

*(Informacija o ostvarenim prihodima u 2021. godini
po osnovu odluka Općinskog vijeća Vareš.)*

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o ostvarenim prihodima u 2021. godini
po osnovu odluka Općinskog vijeća Vareš.***

Ad.13.

*(Informacija o kreditnom zaduženju Općine
Vareš i stanje otplate kredita sa 31.12.2021. godine.)*

Predlagач nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o kreditnom zaduženju Općine
Vareš i stanje otplate kredita sa 31.12.2021. godine.***

Ad.14.

(Informacija o dugovanju Općine prema pravnim i fizičkim licima, kao i pravnih i fizičkih lica prema Općini Vareš sa 31.12.2021. godine.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnika Nedžad Mušanović (*pitanje u vezi dugovanja-da li je bilo tužbi i da li ima zastare potraživanja*) i Općinski načelnik Zdravko Marošević koji je dao pojašnjenje u vezi određenih dugovanja i potraživanja.

Nije više bilo rasprave i predsjedavajuća OV konstatuje uz Zaključak da je **Vijeće primilo k znanju**

Informaciju o dugovanju Općine prema pravnim i fizičkim licima, kao i pravnih i fizičkih lica prema Općini Vareš sa 31.12.2021. godine.

Ad.15.

(Informacija o prihodovnim namjenskim sredstvima te realizaciji projekata za koje su namjenska sredstva uplaćena.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Dario Dodik (*zašto u informaciji nisu navedena sredstva koja je uplatila hrvatska vlada za projekat sanacije platoa ispred Općine-Banke*), Emir Islamović (*predložio zaključak: da se za sljedeću sjenicu dostavi spisak svih sredstava koja su uplaćena, ko je izvor finansiranja, namjena tih sredstava i iznos svih sredstava u proteklim godinama sa obrazloženjem za koji bi se period ta sredstva, odnosno projekti realizovali.*) i Općinski načelnik Zdravko Marošević koji je dao pojašnjenje i upoznao Vijeće da će mali dio projekata koji su nerealizovani u skorije vrijeme biti realizovani i da svi mogu zatražiti i dobiti potrebne informacije.

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

Informaciju o prihodovnim namjenskim sredstvima te realizaciji projekata za koje su namjenska sredstva uplaćena.

Ad.16.

(Informacija o provođenju lokalnog akcionog/akcijskog plana za općinu Vareš u 2021. godini.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o provođenju lokalnog akcionog/akcijskog plana za općinu Vareš u 2021. godini.

Ad.17.
(Tekuća pitanja.)

Predsjedavajuća OV upoznala je prisutne sa pristiglom poštom i to.

1. Plan i Program upravljanja „Srednjovjekovnog kraljevskog grada Bobovca“, broj:02-04-37/22 od 14.04.2022. godine dostavljen od JU Centar za kulturu i edukaciju Vareš, a vezano za postavljeno pitanje vijećnika Nurdina Begovića na 14. sjednici OV.

Vijećnik Nurdin Begović u svom obraćanju izjavio je da podržava Plan i Program upravljanja koji je dostavljen.

Predsjedavajuća OV predložila je i stavila na izjašnjavanje sljedeći

Zaključak:

Da Centar za kulturu i edukaciju Vareš pristupi realizaciji Plana i Programa upravljanja Srednjovjekovnog kraljevskog grada Bobovca.

Nakon izjašnjavanja vijećnika predsjedavajuća OV konstatuje da **je jednoglasno (sa 19 glasova „ZA“) usvojen predloženi Zaključak.**

2. Odgovor na Zaključak sa 14. sjednice kojim se zadužuje Služba za prostorno uređenje da za 15. sjednicu OV pripremi Odluku o zabranama korištenja prikolica i ograničenju tereta na svim lokalnim putevima na području općine Vareš, broj 02/3-753/22 od 20.04.2022. godine dostavljen od Službe za prostorno uređenje.

Nije bilo rasprave i predsjedavajuća OV konstatuje da je Vijeće primilo k znanju Odgovor Služne.

3. Odgovor na Zaključak sa 14. sjednice kojim je traženo da se utvrdi stanje asfaltiranih ulica i javnih površina u gradskoj zoni, kao i broj udarnih rupa, potrebna sredstva sa sanaciju istih, te da se odredi što skoriji rok za početak sanacije, broj: 02/3-863/22 od 25.04.2022. godine dostavljen od Službe za prostorno uređenje.

U raspravi su učestvovali vijećnik Dario Dodik (*iznio je svoje mišljenje o datom odgovoru i zatražio precizniji odgovor, odnosno da se tačno kaže šta će biti urađeno*) i Općinski načelnik Zdravko Marošević (*upoznao je prisutne o planiranim radovima sanacije: put u Rudarskoj ulici -od vulkanizerske radnje do parkinga, ulica Franjići-pored srednje škole, dio ulice Matijevići, sanacija asfalta od MUP-a do objekta Alma Rasa ...*)

4. Dopis MZ Dragovići sa peticijom, broj: 13-04-D/22 od 20.04.2022. godine u vezi zaštite imovine stanovnika mjesne zajednice od pašarenja sa krupnom stokom (vlasnik stoke M.M iz Kaknja). Dopis je dostavljen i PU Vareš

U raspravi su učestvovali vijećnik Šaban Ibrišimović (*postavio je pitanje: Kada će se pripremiti materijal za tačku dnevnog reda „Strategija razvoja lokalnih puteva, ulica i trgova? - upoznao prisutne sa problemom stanovnika MZ Dragovići i dao dodatno pojašnjenje. Traži od nadležnih da u skladu sa svojim nadležnostima zaštite imovinu stanovnika MZ Dragovići*), Mahira Brkić (*izjavila je da Služba za privredu, finansije i trezor treba da se očituje po Dopisu mjesne zajednice kako bi Vijeće eventualno moglo donijeti određene zaključke*), Mirnes Ajanović (*upoznao je Vijeće da isti problem imaju stanovnici Planinice, Slavina, Semizove Ponikve, insistira na dosljednoj primjeni zakon koji reguliše ovu oblast, kao i primjeni odluka o pašarenju*

kako bi se ovaj problem riješio, o istom je dao pojašnjenje) i Općinski načelnik Zdravko Marošević koji je u svom obraćanju izjavio da će **Služba za privredu očitovati se po Dopisu mjesne zajednice i dati upute u skladu sa zakonom o daljnjim postupcima)**

Predsjedavajuća OV konstatuje da će se Služba za privredu, finansije i trezor očitovati po dopisu MZ Dragovići.

5. Općinski načelnik Zdravko Marošević u svom obraćanju podsjetio je na svoje izlaganje pod Aktuelnom problematikom vezano za projekat utopljanja i ponudu Evropske banke za konsultantske usluge.

Predsjedavajuća OV je na osnovu izlaganja Načelnika i prijedloga, predložila je sljedeće

Zaključke:

- **Zadužuje se načelnik i Službe da organizuju prezentaciju na temu utopljanja (toplotna energija-sistem grijanja), a sve u cilju kako bi se eventualno krenulo u realizaciju projekta.**
- **Vijeće daje saglasnost Općinskom načelniku da uđe u pregovore sa Evropskom bankom vezano za eventualnu saradnju.**

Nakon izjašnjavanja vijećnika predsjedavajuća OV konstatuje da su jednoglasno sa **19 glasova „ZA“ usvojeni predloženi Zaključci.**

6. Predsjedavajuća OV podsjetila je prisutne na Zaključak kolegija OV u vezi ažurnog i blagovremenog dostavljanja materijala od strane nosioca izrade koji su planirani Programom rada OV ili su određene službe zadužene zaključkom OV za izradu određenih akata koji se trebaju dostaviti Vijeću na razmatranje i usvajanje. Sa Načelnikom je obavila razgovor o istom i Načelnik će izjavio da će ubuduće Službe biti ažurnije.

Predsjedavajuća OV izvijestila je Vijeće da zakazana posjeta Privrednom društvu Eastern Miningu za 10.05.2022. godine.

Predsjedavajuća OV u ime Općinskog vijeća i u svoje lično ime uputila je čestitku građanima islamske vjeroispovijedi u povodu Bajrama, a svim građanima općine Vareš 1. maj - Međunarodni praznika rada.

Općinski načelnik uputio je čestitke građanima islamske vjeroispovijedi u povodu Bajrama, a svim građanima općine Vareš 1. maj - Međunarodni praznika rada.

Sastavni dio ovog Zapisnika je audio zapis sjednice.

Sjednica je završena u 18.05 sati.

SEKRETAR

Leon Pavlović

ZAPISNIČAR

Azra Pijadžer

**PREDSEDavajuća
OPĆINSKOG VIJEĆA**

Mahira Brkić